

ZLOČIN SEKSUALNA ORIJENTACIJA INCIDENT NETRPELJIVOST NAPAD  
NETRPELJIVOST LGBTQ PREDRASUDA RASA ZLOČIN INVALIDITET

MOTIV PREDRASUDA POVRATNICI MRŽNJA SEKSUALNA NETRPELJIVOST  
NASILJE VJEROISPOVIJEST NETRPELJIVOST ORIJENTACIJA POVRATNICI MOTIV

ZLOČIN MRŽNJA LGBTQ NASILJE VERBALNI NAPAD NETRPELJIVOST  
OŠTEĆENJE IMOVINE SPOL PREDRASUDA INVALIDITET NASILJE UBISTVO  
INVALIDITET

NASILJE NAPAD NETRPELJIVOST NASILJE KRIVIČNO SKRNAVLJENJE  
KRIVIČNO DJELO ZLOČIN DJELO VJEROISPOVIJEST

PREDRASUDA MOTIV SKRNAVLJENJE NAPAD MRŽNJA POVRATNICI LGBTQ MOTIV INCIDENT  
NAPAD ŽRTVA VJEROISPOVIJEST KRIVIČNO DJELO PREDRASUDA MRŽNJA SKRNAVLJENJE INVALIDITET

SEKSUALNA ORIJENTACIJA NETRPELJIVOST LGBTQ  
VERBALNI NAPAD PREDRASUDA PREDRASUDA

PREDRASUDA NETRPELJIVOST SEKSUALNA ORIJENTACIJA ROMI POVRATNICI LGBTQ  
INVALIDITET LGBTQ MRŽNJA VERBALNI NAPAD MOTIV UBISTVO PREDRASUDA RASA ROMI

ROMI KRIVIČNO DJELO VJEROISPOVIJEST SPOL NETRPELJIVOST NASILJE OŠTEĆENJE IMOVINE  
POVRATNICI POVRATNICI SEKSUALNA ORIJENTACIJA ZLOČIN SKRNAVLJENJE

PREDRASUDA UBISTVO SPOL VERBALNI NAPAD MOTIV POVRATNICI  
VERBALNI NAPAD ROMI NETRPELJIVOST

LGBTQ MRŽNJA PREDRASUDA VERBALNI NAPAD MOTIV VJEROISPOVIJEST POVRATNICI  
INVALIDITET ROMI OŠTEĆENJE IMOVINE INVALIDITET SKRNAVLJENJE LGBTQ ŽRTVA

OŠTEĆENJE IMOVINE ZLOČIN IZ MRŽNJE U POVRATNICI  
UBISTVO

MOTIV INCIDENT UBISTVO BOSNI I HERCEGOVINI NASILJE  
INVALIDITET ŽRTVA  
SPOL

VERBALNI NAPAD BROŠURA ZA GRAĐANKE I GRAĐANE VJEROISPOVIJEST  
NETRPELJIVOST OŠTEĆENJE IMOVINE

VJEROISPOVIJEST UBISTVO ZLOČIN SEKSUALNA ORIJENTACIJA KRIVIČNO NETRPELJIVOST  
NASILJE INCIDENT LGBTQ POVRATNICI NETRPELJIVOST OŠTEĆENJE IMOVINE DJELO SKRNAVLJENJE

MOTIV NAPAD MRŽNJA SPOL MOTIV VERBALNI NAPAD SPOL SEKSUALNA  
KRIVIČNO DJELO UBISTVO ŽRTVA NETRPELJIVOST ORIJENTACIJA

NASILJE SEKSUALNA NETRPELJIVOST PREDRASUDA VJEROISPOVIJEST  
INCIDENT ORIJENTACIJA LGBTQ MOTIV VERBALNI NAPAD

LGBTQ INVALIDITET SEKSUALNA ORIJENTACIJA INCIDENT MOTIV LGBTQ  
MOTIV ROMI ZLOČIN ŽRTVA OŠTEĆENJE IMOVINE VERBALNI NAPAD

PREDRASUDA OŠTEĆENJE NAPAD POVRATNICI KRIVIČNO SKRNAVLJENJE ŽRTVA  
MRŽNJA IMOVINE NETRPELJIVOST DJELO UBISTVO

SEKSUALNA ORIJENTACIJA VJEROISPOVIJEST MRŽNJA ŽRTVA  
NETRPELJIVOST UBISTVO NAPAD

LGBTQ VERBALNI NAPAD SEKSUALNA ORIJENTACIJA INCIDENT MOTIV INVALIDITET VJEROISPOVIJEST NASILJE  
NETRPELJIVOST OŠTEĆENJE IMOVINE ŽRTVA NASILJE PREDRASUDA KRIVIČNO DJELO

ZLOČIN INCIDENT PREDRASUDA NETRPELJIVOST ZLOČIN SEKSUALNA ORIJENTACIJA  
OŠTEĆENJE IMOVINE SKRNAVLJENJE NASILJE MOTIV LGBTQ INVALIDITET ŽRTVA

KRIVIČNO DJELO MRŽNJA ŽRTVA VJEROISPOVIJEST SKRNAVLJENJE  
ROMI SPOL ŽRTVA UBISTVO VERBALNI NAPAD

UBISTVO ŽRTVA SEKSUALNA ORIJENTACIJA NETRPELJIVOST OŠTEĆENJE IMOVINE INCIDENT  
ZLOČIN SPOL INVALIDITET VERBALNI NAPAD ZLOČIN

INVALIDITET VERBALNI NAPAD ZLOČIN INCIDENT



# **Zločin iz mržnje u Bosni i Hercegovini**

Brošura za građanke i građane

Asocijacija za demokratske inicijative  
Sarajevo, 2014. godina

**Naslov:** Zločin iz mržnje u Bosni i Hercegovini:  
Brošura za građanke i građane

**Autorice:** Snježana Ivandić Ninković, Božana Puljić

**Dizajn i prelom:** “READY, DESIGN, PRINT!”, Ilvana Hamalukić

**Fotografije:** Depositphotos Inc.

Štampa: **FRANEX TRADE**

**Pokrovitelj:** Međunarodna organizacija za zaštitu ljudskih prava  
“Civil Rights Defenders”

**Izdavač:** Asocijacija za demokratske inicijative Sarajevo

Sarajevo, decembar 2014. godina



Svi stavovi, mišljenja i zaključci izneseni ovdje ne odražavaju nužno stav  
Asocijacije za demokratske inicijative u Sarajevu niti stavove  
Civil Rights Defenders-a nego isključivo autora

## Sadržaj:

UVOD	4
Šta je zločin iz mržnje?	5
Terminologija	6
<ul style="list-style-type: none"><li>• Incident počinjen iz mržnje je djelo koje je motivirano predrasudom, ali ne predstavlja krivično djelo.</li><li>• Krivično djelo počinjeno iz mržnje određuju dva elementa; počinjeno djelo mora biti propisano krivičnim zakonom, a motiv za njegovo počinjenje mora biti predrasuda.</li><li>• Predrasuda kao motiv se pojavljuje kada je meta napada (pojedinaac, grupa ili imovina) odabrana na osnovu zaštićenih karakteristika.</li><li>• Zaštićena karakteristika je temeljna osobina koju dijele članovi jedne grupe, kao što je rasa, vjeroispovijest, etnička pripadnost, jezik ili seksualna orijentacija.</li></ul>	6
NAJČEŠĆI MOTIVI ZBOG KOJIH SU POČINJENA KRIVIČNA DJELA ZLOČINA IZ MRŽNJE	7
VRSTE INCIDENATA/NAPADA	7
ŽRTVE INCIDENATA/NAPADA	8
Uticaj koji zločin iz mržnje i govor mržnje imaju na žrtvu	9
Borba protiv zločina iz mržnje i govora mržnje	10
Kome možete prijaviti zločin iz mržnje?	10
Kako djelovati ?	10
Kako možete raditi na prevenciji zločina iz mržnje?	11
Šta kaže zakon?	12
Krivični zakoni u BiH koji reguliraju zločin iz mržnje	12
Koalicija za borbu protiv zločina iz mržnje i govora mržnje	13
O nama	14
Kontaktirajte nas	14

## UVOD

Brošura ima za cilj da pomogne građankama i građanima u Bosni i Hercegovini (BiH) da bolje razumiju i lakše prepoznaju, te adekvatno reaguju na zločine počinjene iz mržnje. Također, brošura pruža građankama i građanima informacije kako da prijave zločin iz mržnje, kako i kome da se obrate da bi zaštitili svoja prava.

Bosna i Hercegovina i nakon 17 godina od završetka ratnog perioda predstavlja pogodno tlo za širenje zločina iz mržnje, posebno onog na vjerskoj, nacionalnoj, etničkoj i rodnoj osnovi. Situacija je dodatno pogoršana činjenicom da je legislativa u Bosni i Hercegovini nedovoljno prilagođena novonastaloj situaciji, zbog čega zločin iz mržnje i govor mržnje često prolaze nekažnjeno.

Ignorisanje krivičnih djela počinjenih iz mržnje dovodi u pitanje sigurnost i stabilnost pojedinih zajednica u BiH. Neadekvatno procesuiranje i kažnjavanje krivičnih djela počinjenih iz mržnje stvara osjećaj nesigurnosti kod žrtve i povećava tenzije unutar zajednice, te otvara mogućnost za eskalaciju novih sukoba.

Zločini iz mržnje u BiH predstavljaju ozbiljno kršenje ljudskih prava. Adekvatno razumijevanje učinka ovakvih incidenata i kažnjavanje predstavljaju zadatak kako za institucije vlasti u BiH tako i za organizacije civilnog društva i pojedince u zajednici.

Asocijacija za demokratske inicijative Sarajevo, pod pokroviteljstvom međunarodne organizacije za zaštitu ljudskih prava Civil Rights Defenders, 2013. godine započela je realizaciju projekta pod nazivom "Borba protiv govora mržnje i zločin iz mržnje".

Glavniciljevi projekta supovećanje kapaciteta OCD-akadaje u pitanjupraćenje i izvještavanje oslučajevimazločina počinjenih iz mržnje, jačanje pritiska javnosti na lokalne vlasti, i na kraju povećanje svijesti javnostii razumijevanje važnosti pravilnog izricanja kazni za zločine počinjene iz mržnje.

## Šta je zločin iz mržnje?

Zločin iz mržnje je krivično djelo motivirano netrpeljivošću prema određenim grupama u društvu. Žrtva može biti jedna osoba, više osoba ili imovina, koja se dovodi u vezu s grupom koja dijeli zaštićene karakteristike. Zaštićena karakteristika je temeljna ili glavna karakteristika koju dijele članovi grupe, kao što je na primjer rasa, religija, nacionalna pripadnost, jezik ili seksualna orijentacija.

Zločini iz mržnje su motivirani predrasudama od strane počinioca/izvršioca zločina i obično počinju i završavaju: fizičkim nasiljem, oštećenjem imovine (džamije, crkve, imovina povratnika i manjinskih zajednica), uvredljivim grafitima, verbalnim napadom – na pojedinca ili na grupu, skrnavljenjem grobalja/mezarja/nadgrobnih spomenika i spomen obilježja, ubistvima.

Najčešće se predrasude odnose na: etničku netrpeljivost, nacionalnu netrpeljivost, religijsku pripadnost, jezik, spol i seksualnu orijentaciju.

Žrtve zločina iz mržnje motiviranih predrasudama najčešće se nalaze u manjinskim zajednicama i izoliranim grupama, kao što su povratnici, Romi, pripadnici seksualnih manjina, osobe s invaliditetom.

Važno je napomenuti da krivično djelo počinjeno iz mržnje može biti u obliku oštećivanja imovine, napada, ubistva, ili bilo kojeg drugog krivičnog djela.

Krivično djelo + predrasuda kao motiv  
 = krivično djelo počinjeno iz mržnje

Samo ukoliko je određeno djelo definirano kao krivično djelo krivičnim zakonom, te počinjeno iz predrasude možemo govoriti o krivičnom djelu počinjenom iz mržnje tj. o zločinu iz mržnje.

### Zločini iz mržnje

Zločini iz mržnje su sva krivična djela koja su počinjena zbog toga što je počinitelj osjećao netrpeljivost prema žrtvi zbog neke njene zaštićene karakteristike.



**Primjeri:**

Četvorica optuženih su 2007. godine, ispisali **grafite** na nekoliko javnih i privatnih zgrada u Brčkom. Grafiti su uključivali "Srbija", "4S", "svastiku", "Nož, žica, Srebrenica" i "Kosovo Srbija".

Optuženi je, 2005. godine, **verbalno napao** žensku osobu vrijeđajući nju, njenog muža i sina na etničkoj osnovi, nazivajući ih "četničke vojvode".

Optuženi je, 2013. godine u Zvorniku, **fizički napao** mušku osobu prilikom odlaska na jutarnju molitvu, za Bajram namaz.

**Terminologija**

**Incident** počinjen iz mržnje je djelo koje je motivirano predrasodom, ali ne predstavlja krivično djelo.

**Krivično djelo počinjeno iz mržnje** određuju dva elementa; počinjeno djelo mora biti propisano krivičnim zakonom, a motiv za njegovo počinjenje mora biti predrasuda.

**Predrasuda** kao motiv se pojavljuje kada je meta napada (pojedinaac, grupa ili imovina) odabrana na osnovu zaštićenih karakteristika.

**Zaštićena karakteristika** je temeljna osobina koju dijele članovi jedne grupe, kao što je rasa, vjeroispovijest, etnička pripadnost, jezik ili seksualna orijentacija.<sup>1</sup>

<sup>1</sup><http://www.oscebih.org/Default.aspx?id=143&lang=BS>



POBIJIMO SRBE

НОЖ ЖИЦА  
СРЕБРЕНИЦА

## NAJČEŠĆI MOTIVI ZBOG KOJIH SU POČINJENA KRIVIČNA DJELA ZLOČINA IZ MRŽNJE

1. Etnička pripadnost,
2. Nacionalna pripadnost,
3. Religijska pripadnost,
4. Jezik,
5. Invaliditet,
6. Rodni identitet,
7. Spol,
8. Seksualna orijentacija,
9. Društveni status,
10. Politička pripadnost.



## VRSTE INCIDENATA/NAPADA

- Fizičko nasilje
- Oštećenje imovine (džamije, crkve, imovina povratnika i manjinskih zajednica)
- Uvredljivi grafiti
- Verbalni napad
  - a) Na pojedinca
  - b) Na grupu
- Oštećenje vjerskih objekata
- Skrnavljenje grobalja/mezarja/nadgrobnih spomenika
- Skrnavljenje spomen obilježja
- Ubistvo





## ŽRTVE INCIDENATA/NAPADA

Mogu biti:

- Povratnici
- Romi
- LGBTIQ osobe
- Osobe s invaliditetom

ZLOČIN IZ MIRNJE U BOSNI I HERCEGOVINI  
Brošura za građanke i građane



## Uticaj koji zločin iz mržnje i govor mržnje imaju na žrtvu

Zločini iz mržnje šalju poruku da žrtve nisu prihvaćene kao dio društva u kojem žive. U velikom broju zločina počinjenih iz mržnje ukoliko izostane adekvatna reakcija institucija i zajednice žrtva osjeća psihičke, fizičke i emocionalne posljedice.

Sekundarna viktimizacija pojavljuje se naročito kada predstavnici društva, kao što su policija, zaposlenici socijalnih službi, medicinski radnici i zaposlenici u pravosuđu, negiraju ili minimiziraju ozbiljnost prijavljenih zločina iz mržnje.

U odsustvu zaštite od zločina iz mržnje, manjinske zajednice gube povjerenje u provođenje zakona, što produbljuje marginalizaciju tih skupina. U najgorem slučaju zločini iz mržnje uzrokuju osvetničke napade grupa kojima pripadaju žrtve, što dovodi do širenja nasilja.

Zločini iz mržnje mogu ukazati na podjele u društvu i predstavljaju upozorenje društvima na prevenciju i suzbijanje zločina iz mržnje.

„Žrtve zločina iz mržnje motiviranih predrasudama doživljavaju osjećaj nemoći, povećavaju sumnju u druge ljude i vremenom postaju netolerantne prema zajednici iz koje dolazi počinitelj zločina iz mržnje“.

Hasan Grebić, Zvornik, učesnik javnih govorenja u Zvorniku, novembar 2014.



## Borba protiv zločina iz mržnje i govora mržnje

Zločini iz mržnje dolaze u različitim oblicima zato je važno da prepoznate zločin kako bi ga mogli prijaviti.

Neprijavlivanjem zločina iz mržnje počinioci će nastaviti djelovati na svojim uvjerenjima, te će i dalje predstavljati prijetnju za pojedinca, društvo i zajednicu.

### Kome možete prijaviti zločin iz mržnje?

1. Policiji,
2. Pravosudnim organima,
3. Ombudsmenu,
4. Medijima,
5. Nevladinim organizacijama,
6. Lokalnim predstavnicima vlasti.

### Kako djelovati ?

**U slučaju da ste žrtva ili svjedok zločina iz mržnje, trebate:**

- Obavijestiti policiju da je počinjeno krivično djelo,
- Kod davanja izjave za policijski zapisnik navesti sve bitne okolnosti pod kojima se desilo krivično djelo (ukoliko je prethodio verbalni napad navesti koje su riječi izgovorene),
- Sačuvati sve dokaze i ukoliko ste u mogućnosti fotografirati mjesto zločina,
- Ukoliko je krivično djelo rezultiralo fizičkom povredom, voditi računa da se sačuva originalna medicinska dokumentacija ustanove koja je pružila pomoć,
- Ukoliko ne poznajete ostale svjedoke, uzmite njihove podatke,
- Ukoliko sumnjate da je došlo do povrede vaših prava obratite se instituciji Ombudsmena ili prijavite slučaj nevladinoj organizaciji.

## Kako možete raditi na prevenciji zločina iz mržnje?

Kako bi spriječili incidente zločina iz mržnje i zaštitili zajednicu u kojoj živite, u produžetku je nabrojano ono što vaša zajednica i vi možete učiniti:

- Govoriti protiv mržnje i netolerancije.
- Održavati redovne zajedničke skupove u zajednicama u kojima živite i pružati podršku i pomoć postojećim žrtvama zločina iz mržnje i govora mržnje.
- Pozvati javne službenike da djeluju u borbi protiv zločina iz mržnje i govora mržnje.
- Uspostaviti u zajednici mrežu osoba koje će odmah odgovarati na mržnju kada se dogodi.
- Pronaći informacije o udruženjima i javnim institucijama koje mogu pomoći i podržati žrtve zločina iz mržnje.
- Izvještavati o zločinima počinjenim iz mržnje.

Iz straha, nepovjerenja i vlastite sigurnosti žrtve i svjedoci često ne prijavljuju zločine iz mržnje nadležnim institucijama/službama koje se bave zaštitom građana/žrtve zločina iz mržnje. U nekim slučajevima žrtve se čak ne obraćaju ni organizacijama civilnog društva. Kao rezultat neprijavlivanja počinjenih zločina iz mržnje, zločini često ostaju nevidljivi, a žrtvama je uskraćena mogućnost da traže i dobiju obeštećenje protiv počinitelja.

U procesu dokazivanja da je neko krivično djelo počinjeno iz mržnje uloga policije je da prepozna krivično djelo počinjeno iz mržnje, sprovede istragu i prikupi podatke. Policijski zapisnik predstavlja jedan od najvažnijih dokaza u sudskom postupku jer na osnovu njega tužilac može dokazivati postojanje predrasude. Tužilac je obavezan da u slučaju postojanja indicije da je krivično djelo počinjeno iz mržnje podnese optužnicu u skladu sa krivičnim zakonom. Uloga sudije u postupku je da na osnovu prezentiranih dokaza donese presudu i kazni počinioca kaznom koja je strožija zbog motiva iz koga je krivično djelo počinjeno.

Organizacije civilnog društva i službe za podršku žrtvama su bitne kao posrednici u procesu, npr. kroz izvještavanja o počinjenom zločinu iz mržnje i pružanjem psihološke podrške žrtvama.

„Zločine iz mržnje je potrebno učiniti što vidljivijim i prepoznatljivijim, te poduzeti sve mjere kako bi se povećalo povjerenje žrtava u rad pravosudnih organa i kako bi se osigurao njihov pristup pravdi“.

Zlatko Prkić, Vareš, učesnik javne debate u Varešu, juli 2014.

## Šta kaže zakon?

Krivični zakoni u BiH koji reguliraju zločin iz mržnje

1. Izazivanje nacionalne, rasne i vjerske mržnje, razdora i netrpeljivosti (Član 145a KZ BiH)
2. Izazivanje nacionalne, rasne i vjerske mržnje i netrpeljivosti (Član 294a KZ RS)
3. Izazivanje narodnosne, rasne i vjerske mržnje, razdora ili netrpeljivosti (Član 163 i Član 363.2. KZ FBiH)
4. Izazivanje nacionalne, rasne i vjerske mržnje, razdora i netrpeljivosti (Član 160 KZ Brčko distrikta BiH)

Ova četiri krivična zakona predviđaju krivične sankcije za izazivanje nacionalne, rasne ili vjerske mržnje, razdora ili netrpeljivosti – Članovima 145a. KZ BiH i 163. KZFBiH predviđena je kazna zatvora od tri mjeseca do tri godine, članom 294a. KZ RS novčana kazna ili kazna zatvora do dvije godine i članom 160. KZ BD BiH kazna zatvora od jedne do pet godina.

Kroz krivično zakonodavstvo u BiH, entitetima i Brčko distriktu BiH osigurana je pravna zaštita svima. Tužiteljstva u BiH nezavisno procesuiraju sva krivična djela predviđena pozitivnim zakonima. Krivičnim zakonima u BiH sankcionisano je krivično djelo izazivanja nacionalne, rasne i vjerske mržnje, razdora i netrpeljivosti sa svrhom sprečavanja zločina iz mržnje. Pravosnažne presude nadležnog suda se javno objavljuju u cilju preventivnog djelovanja na eventualne počiniocima krivičnih djela. Pomenutim aktivnostima ostvaruje se napredak u uspostavljanju efikasnijeg pravosuđa.

U Krivičnom zakonu Republike Srpske i Krivičnom zakonu Brčko distrikta BiH 2010. godine usvojene su izmjene koje se odnose se na krivična djela počinjena iz mržnje, koje omogućavaju procesuiranje krivičnih dijela počinjenih iz mržnje.

Krivičnim zakonom Republike Srpske, 2013. godine definisan je pojam zločina počinjenog iz mržnje, gdje se kaže da je djelo počinjeno iz mržnje ono koje je u potpunosti ili djelimično izvršeno zbog rasne, nacionalne ili etničke pripadnosti, jezika, vjerskog uvjerenja, boje kože, spola ili seksualne orijentacije, zdravstvenog statusa ili rodnog identiteta nekog lica.

Koalicija za borbu protiv govora mržnje i zločina iz mržnje u cilju postizanja detaljnije i adekvatnije zakonske definicije zločina iz mržnje u FBiH, 2013. godine je uputila prijedlog za dopunu Zakona o izmjenama i dopunama Krivičnog zakona FBiH. Prijedlog Koalicije je bio da se definicija proširi i obuhvati što veći broj potencijalnih zločina iz mržnje. Također, predloženo je i da se propiše da će, ako je krivično djelo učinjeno iz mržnje, sud tu okolnost uzimati kao otežavajuću okolnost, ukoliko motiviranost mržnjom nije već zakonom propisana kao obilježje kvalifikovanog oblika krivičnog djela. Nažalost, zakon nije usvojen na sjednici Doma naroda.

## Koalicija za borbu protiv zločina iz mržnje i govora mržnje

Početak januara 2013. godine, Asocijacija za demokratske inicijative, Inicijativa mladih za ljudska prava, Mediacentar i Sarajevski otvoreni centar uz podršku Civil Rights Defenders-a i OSCE-a oformile su Koaliciju za borbu protiv govora mržnje i zločina iz mržnje čiji cilj djelovanja je zagovaranje za adekvatniju regulaciju govora mržnje i zločina iz mržnje u krivičnim zakonima Bosne i Hercegovine.

Lista članica organizacija Koalicije za borbu protiv zločina iz mržnje i govora mržnje:

[Asocijacija za demokratske inicijative](#)

[Centar za mlade KVART](#)

[Civil Rights Defenders](#)

[Fondacija CURE](#)

[Fondacija Mediacentar Sarajevo](#)

[Fondacija Istina, Pravda, Pomirenje](#)

[Inicijativa mladih za ljudska prava Bosne i Hercegovine](#)

[Otaharin](#)

[Omladinska novinska asocijacija u BiH \(ONA\)](#)

[Sarajevski otvoreni centar](#)

[Udruženje BH novinari](#)

[Vijeće za štampu BiH](#)

Ukoliko želite biti aktivni član Koalicije!

Ukoliko ste vi, ili neko u vašoj okolini, žrtva zločina iz mržnje ili govora mržnje!

Ukoliko želite aktivnije da se uključite u borbu protiv zločina iz mržnje i govora mržnje!

Ukoliko želite prijaviti uvredljive grafiti ili govor mržnje ili ste svjedoci fizičkog nasilja ili oštećenja imovine!

Pridružite nam se!

Koalicija za borbu protiv govora mržnje i zločina iz mržnje



## Ko je Asocijacija za demokratske inicijative?

### O nama

**Asocijacija za demokratske inicijative (ADI)** je nevladina organizacija čiji je osnovni zadatak unapređenje vladavine prava i promocija zaštite ljudskih prava kroz jačanje praksi participativne demokratije i iniciranje partnerstava između civilnog društva, državnih institucija i privatnog sektora.

### ŠTA

## MI NUDIMO

1. Dnevni pregled situacije na terenu,  
Online kontakt sa žrtvama govora mržnje i zločina iz mržnje, provjere podataka, organiziranje posjeta žrtvama
2. Stvaranje serije pružanja savjeta i informacija žrtvama govora mržnje i zločina iz mržnje
3. Stvaranje jedinstvene baze podataka u suradnji s ostalim članovima Koalicije

## KAKO

### NAM SE OBRATITI

Kontaktirajte nas:

Telefon 033 262 415

Fax: 033 262 416

Email: [snjezana@adi.org.ba](mailto:snjezana@adi.org.ba), [bozana@adi.org.ba](mailto:bozana@adi.org.ba)

Web stranica: [adi.org.ba](http://adi.org.ba)

**Zmaja od Bosne 8  
71 000 Sarajevo**

Zločin iz mržnje možete prijaviti putem popunjenog formulara i isti dostaviti na adresu Asocijacije za demokratske inicijative.

<b>Vaš identitet (ime, nadimak, inicijali):</b>	
Ukoliko želite ovo polje možete ostaviti prazno.	
<b>Vaš e-mail:</b>	
Ukoliko želite ovo polje možete ostaviti prazno.	
<b>Datum događanja incidenta:</b>	
<b>Mjesto događanja icidenta</b>	
<b>Grad:</b>	<b>Opština:</b>
<b>Opis incidenta:</b>	



Ova brošura je nastala uz finansijsku pomoć Civil Rights Defendersa